

沅
湘
耆
舊
集

沅湘耆舊集卷第一百七

新化鄧顯鶴湘臯編

長沙毛國翰青垣校訂

丁臨縣宗懋

五首

宗懋字勗齋醴陵人乾隆丙子舉人官山西臨縣知縣有善政去臨之日隣境永寧州亦於黃河東岸立去思碑有云肅清十渡綏及隣疆其感人如此詩不假矜鍊自爾諧適

塞北

驅馬度雁門重關鎖嶠崿巖谷交迴互石棧盤百折寒嘶凍不開近塞秋已冽于役更塞外北指雲中出雲中民阻

饑捧檄勤軫卹念彼肅肅鴻未敢解鞍歇嚴程秋復冬手
龜膚皴裂十室九室空炊煙斷晨突被體幾完孺生涯餘
凋枯顛連真萬狀強起撐餓骨雜還遮道左長幼相提挈
長老扶杖前含淚爲我說大同七百里何處不滌汙長官
按籍稽纔及十之一年來憂旱頻况今尤熯竭夏秋雨無
收安問麥與秫或刈蓬爲糜或剗榆爲屑食之雖螫口聊
以充糠粃禿樹老赤膚枯草埋深雪飢寒兩交併此歲云
何卒祇望征車來幸沾升斗活致詞未及終淚下齊嗚咽
我聞心惻然有如食鯁噎 聖朝宏康濟敢告不以實姑
謝耆老去我豈憚疲茶所歷亦已多蒿目增惋怛生者存
鳩面死者委狐搢薄暮經荒郊陰風冷宰宰

涿南別業

避喧成小築蒼翠隔溪分岸曲迴新漲牆低度夕曛借書
頻過市招友劇談文爲愛陶元亮情隨衆鳥欣

陳情南歸學博康君對山郭君聖有招飲卽席畱別
同此宦遊人相知久更真一官容我拙九載共君貧浪跡
飛鴻雪浮名野馬塵尊前方話別黯爾共傷神

潞城將代耆民赴郡陳情攀畱郡伯史公以格於例
緘示原詞詞多溢美赧然有作

美錦裁量製未成過煩父老苦畱行幸無冗牘塵差少敢
信安居政自平此日茅檐慚巷祝當時竹馬想郊迎期年
報績談何易長壯空孤借冠情

彭教諭璇三首

璇字熙亭城步人乾隆丙子舉人官善化教諭熙
亭髦而好學在善化十四年乞歸年八十一矣子
宗榮乾隆己酉拔貢永明教諭亦能詩有蘭園詩
草未見

老病乞歸兼誌別懷

寒窗四壁一攤書
颯沓談經老自如
弟子衣冠存大雅
廣文面目半迂疏
雲煙到眼春無限
琴酒傾懷日正舒
從此槐黃應蔽市
問看何處問匡廬

年來健步更加餐
飽飫荒齋苜蓿盤
溷跡都忘人海闊
閑愁賸得酒懷寬
且教快意辭司鐸
可有餘生理釣竿
歸去

常珍何足問

自注時年八十有一

太原猶憶市猪肝

平生幽興寄煙霞見慣浮名眼上花老拙休官猶是福文

章報國敢云家門栽槐柳塵難到地近山城酒易賒

自注宅在

城步西門外

一事關心盼魚雁中懷如結水雲涯

陳惟寧朝汲二首

朝汲字禹門瀏陽人乾隆丙子舉人官黔陽訓導

麻陽教諭遷江南睢寧縣知縣以河工勞瘁卒

夏玉軒

看竹春光聽竹秋氣空清迥澄萬象疏林度遠風軒居無俗韻依稀玉璫璫此君不可少遺響傳絲桐

少陵齋

詩意本清空東之以斗室風光透疏櫺鵬鶚雲外疾敲句
試循名豪吟且駐筆安得起少陵相與唱秋日

熊教諭以文一首

以文字炳如善化人乾隆丙子舉人祁陽教諭炳
文爲班若先生趙子與先叔父鉅野君交好詩不
多見僅存一首

秋夜坐雨

古寺煙三徑蒼葭水一方誰將秋意思斜作雨淒涼斑竹
冥添淚幽蘭暗減香長沙原澤國卑溼只尋常

李黔江光甲一首

光甲湘潭人乾隆丙子舉人官黔江知縣

和杜工部宿鑿石浦原韻

杜老文章在江山，照奇麗生涯歷轉蓬。
冥心契交繫陰陰，古木閒日暮鳴蜩。
嘒蕭寺疏鐘外，深林相蔽翳。暫覺薰風來襟帶，皆和惠。
聖武屢豐年，自注時準噶爾大兵奏捷神功祚先歲。
一幕宿江天，波平舟不繫。

周糧儲璣五首

璣字玉圃，桂陽人。乾隆己卯舉人，歷官河南南陽府知府、江西糧儲道。嘉慶己卯重赴鹿鳴。

遊黔陽邱氏園

何處弄簫簫，遙希聲出太空。
蒼篴千萬箇，鏘然響天風。
坐來香縹渺，聽去韻玲瓏。
一庭秋意滿，絕勝譜絲桐。
夏玉軒

修廊何逶迤頑石亦超越磊砢峭厲姿一二露奇骨任爾
呼顛丈拜之以袍笏醉態憶長庚詩情正蓬勃醉石軒

林際吐明月天水倒空青乘月覓勝蹟來過仙月亭仙人
邈難企水月自晶熒萬賴此俱寂方壺戶豈扃

仙月亭

碧澗湧寒泉清芬雜蘭芷聞有雙飛鳬濯濯臨秋水飲啄
適其天忘機白雲裏時還濯我纓宛在水之涘

寶鴨泉

纔傍碧波行漸入青蘿去振衣雕虎堂秋花點林樾乘興
讀道書緣岡采香蘋橫嶺側峯閒雲深不知處

雕虎堂

幸教諭趙士一首

趙士綬寧人由拔貢中順天鄉試副榜內廷教習
乾隆己卯舉湖南鄉試第二歷任永興瀏陽教諭

暮春登瀛洲閣

危樓朝爽豁塵襟面面窗開對碧岑
便覺飛身仙闕近不
愁迴首白雲深漫天絮影隨茵溷繞閣江流自古今最是
關情巖下樹新栽桃李未成陰

劉施南永華 一首

永華字正西益陽人乾隆庚辰舉人官湖北羅田
縣知縣施南府通判施南受業先大父最久性跡
跡不羈大父常痛懲之卒爲善士存詩一首余兒
時所耳熟者

通守施南枉鄧松堂先生遠來存問卽送其歸里

盼違函丈幾經年南北相望共楚天豈謂夜郎孤宦遠忽

看霽月一輪圓韓公世事嗟長樂王氏家傳有舊氍毹坐席
未溫揮手去亂山回首白雲邊自注先生以官晉夜間樺
若忘當年夜課燈光如豆時耶又永華爲先生
稍易舊衣履先生固卻不受故有五六語

左教授逢霖

四首

逢霖字雨臣湘陰人乾隆庚辰舉人官郴州學正
雨臣爲山西平順知縣定波之子幼隨父任卽有
時名以資當得縣令不就改官學正凡學官應爲
之事皆次第舉行又修復韓文公叉魚亭秦少游
桃花流水亭居官和易樂育郴人士德之官郴十
九年推升永順府教授卒於官

遊郴州白鹿洞見石壁上有秦太虛臨小詞二闕

郴江山色秀龍蒸遷客吟游汗漫同淮海少年千古士好
詞誰爲碧紗籠

桃花流水故依然

原注桃花流水亭是淮海遺蹟

旅館殘燈蹟已湮一卷

佛書成底事斷碑流落嶺南天

秦郵遙望路漫漫嶺樹蕭蕭暮雨寒愁聽麗譙無尺素
留佳句倚煙巒

平生騷客走天涯南望秦郵不見家可是阮郎歸未得

原注

一詞調寄阮郎歸

他年畱作句圖誇

原注用淮海句

畢教授光祖一首

光祖字南峯安鄉人乾隆庚辰舉人歷官醴陵衡

陽教諭長沙府教授吾邑孫石溪學博有送畢教

授還澧詩以儒碩相推所云賈馬古大儒期功業
官闕微祿何足計自欲老耘塋者也石溪不輕許
人傾倒如此卽南峯可知矣澧州志稱其端方願
直所在諸生尊爲楷模詩不多見

過訪歐陽西侯翁贈以詩

蒼松骨幹鶴精神不假丹砂獨葆真年在一時稱大老品
從三代見遺民煙霞慣受清閒福城市偏宜散誕身况是
居爲仁者里溫良相接古風淳

自注邑城內外分十字號翁居在溫良之閒

案西侯翁名徵昌歐陽坦齋侍郎厚均之祖見安仁志孝友傳此詩蓋南峯權安仁學時所贈也

周舉人在熾十四首

在熾字而昌號平山寧鄉人乾隆壬午舉人著有

詠史樂府初集續集

嘉定錢竹汀先生大司云而昌篤學洽聞胸羅全史於古

今成敗得失忠良邪佞之事可喜可愕者輒欲見之吟詠以備法戒作詠古樂府百篇議論識見不隨人可否而音節之妙長短繁促惟變所適可以嗣響茶陵

大石立

大石立僵柳起皇曾孫稱病已葉食奇文篆符璽軫獵車
迎尚冠里君不見長安獄中天子氣夜叩園扉門謹閉郭
懷還奏悟至尊勅放羣囚豈天意哺阿乳教阿書兩公恩
義當何如當何如君莫忘兩公者誰丙與張大策人人稱
霍光

龔勝餓

宮中臘日進椒酒孺子牽裾下殿走安車駟馬徵老臣老

臣年已七十九老臣身受漢家恩甯死不作美新論開口
不食王家粟十日化作西山魂忠魂號冤白故主柏葉蕭
蕭祠堂雨

寒朗對

臣考事一年不能窮姦狀反訟罪人寃固知當滅族臣復
何所言公卿長跪不敢語冒死一言還寤主今朝詔遣御
史出明日洛陽沛甘雨

陽球死

明廷一日縱鷹犬小醜狐狸安得免會見豺狼羣服辜兒
輩紛紛何足道過里翻增狐兔悲讒言入耳鷹犬危豺狼
又噬鷹犬死太息苦曹曹種子

詈王哭

將軍艾艾天上來將士不關城門開背城一戰解不可囚
首面縛何爲哉哭聲震天廟瓦裂白日凜凜陰風迴同時
妻子誰殺戮義氣雄心慘以哀君不見安樂公那肯死人
之無情乃至是上愧阿翁下愧子

聞雞舞

雄聲惡壯士舞黃河以南還晉土守君墓斬君仇黃河以
北兵稍休中流擊節何慨慷大功未成壯士亡君不見風
景不殊江山異新亭諸公空灑涕

晉春秋

枋頭一舉誠失利司馬恐被千秋議孫家秉筆作春秋此

亦何關門戶事司馬大怒罪應誅促令阿兒改此書此書
久已傳薄海桓公死後書猶在大書特書司馬改

髡參軍

髡參軍短主簿能令公喜令公怒敗霸上敗枋頭一時喜
怒不自由郝生入幕爲公主雪恥還須興大舉爲伊尹爲
霍光帝奕何如昌邑王誣人牀第復誰訴單衣白紵出西
堂君不見東海王海西公甘心屈辱乃得容可人可人不
可作姑熟翻同石頭惡百世流芳吾不知萬年遺臭公無
作

符生歎

虎食人虎自饑飽當止卿勿疑星入井星自渴行當出卿

母聒媚我斬謗我誅卿當死我何如此輩人何不拜賊當
至君無怪

蔚宗誅

弟子冬無被叔父單布衣母居止單陋一廚聊足炊婢妾
紛紛綺珠率琵琶佐酒酣歌吹堂前祿養已薄恩臣下無
將復何義彭城骨肉弟與兄函書賜酒原有情熙先何物
謀不軌釁生禍酷皆由卿吁嗟乎舅殊不及夏侯色流涕
乃與諸姬別

東柏臺

數尋伊霍傳不讀曹馬書世閒豈有狗腳族殿拳賜絹千
古無自古不聞君反臣欲殺左右何爲乎君不見子房奮

魯連恥忠義常教動君子潁川壯氣徒在耳鹿車老病焚
東市東柏堂中集謀主蘭京退食無怒夢遣此奴來殺汝
吁嗟乎父如龍子如虎阿弟何人行舜禹

屈突通

屈突通自摩頸要爲國家受一刀嬰城固守臣力盡先斬
奴後射子骨肉仇讐義而已東南再拜哭聲哀臣力實屈
乃至此將公賜爵何不辭河東說客爲誰使

天台藥

天台有藥能不死權遣山人作刺史刺史採藥不復還舉
家逃入天台山神仙未得罪人得捕送仍居待詔官君不
見古來帝王多壽考何曾盡服長草生

庚元規

以言人作賊便殺之人言舅作賊當何如常日白頭公竟
以謀反誅手操生殺何無忌六歲孤兒空噴涕元規塵起
逆旗來朝廷鼎沸公無計溫太真陶士行義師遙指石頭
城前討王敦後蘇峻十載重來誰名兵臣有舉乞骸骨竄
山海山海可逃公莫諱好向山頭望廷尉

石郎中鴻翥一首

鴻翥字石泉湘潭人乾隆壬午舉人歷官內閣中
書與兄鵬翥弟鵬翥皆有文名石泉詩不多五言
如雪霽云黃葉忽改色寒流初變聲又潞陽道中
云雲氣生人面天風落馬蹏均饒有風韻

湘潭志
鴻翥年

十二試童子科莊學使存與出其卷示十二蜀廣
文稱爲奇作吳學使鴻尤異之待以國士乾隆王
午湖南主試爲錢竹汀先生大所王文端公杰三
場畢舉子呈閣作於吳獨賞鴻萬及丁姓丁正心
張德安陳聖清五人且曰陳句山太常以書來賀
稱今科楚南必得人以錢王二公能知文也此五
卷不中今而後吾不復論文矣揭曉日招鴻翁等
五人飲使人走探餞而鈔榜至自第六至末僅陳
聖清一人吳旁皇莫釋少頃五魁報至則鴻翁等
四人各冠其經如聯珠然吳乃大喜賦詩以贈有
喜極轉添知已淚望深還慰樹人心之句輦下諸
公如陳勾山齊次風輩皆有和章佳話遂徧一時

錦灣懷古

錦灣雲水渺青蒼極目江天望杳茫夢破八重終翊晉書
更雨字欲興唐釣臺石跡埋芳草古寺鐘聲送夕陽千載
風流人宛在兩朝都督重荆襄

陳山長長槐三十一首

長槐字培南號朗門武陵人乾隆壬午舉人性篤
孝生數月失恃稍長日夜涕泣一夕見母氏於夢
旦詢諸人狀貌則真母也刻苦向學廉隅自厲晚
客秦爲涇南書院山長卒子詩遲徒步數千里以
其櫬歸有義堂詩六卷朗門於武陵諸陳中以理
學著其詩清挺雅雋殊不墮理障

資江

資江濫觴處清淺纔一帶怒石扼水衝水畜勢遂大終歲
相爭激百里聞砰礚高從萬山頂瀉落青天外注者爲老
血凸者轉溝澮咫尺川陵移天地亦無柰篙師停楫觀齊
榜勉擊汰上灘如登陴下灘如傾蓋上下俱畏塗一舟讀

萬籟始知地發機不必龍蛇會
巨壑苟不存風波何足害
卽事

時序至孟秋百寶登璀璨楚人重薦新
各及月之半灑埽庭戶內昭穆分
几案追遠儼生事連日同燕衍如珠稻飯
滑雞豚肥入饕餮藹閒溪鯉瓜果羅無算
禮數諧中闕章孺無或玩往歲
居家園率由其里閭蘋藻本天性樽俎况
舊觀有舉莫敢廢懣懣深明且何當茲不與
兩度星霜換徒懷怵惕思奮飛無羽翰異地
覩鄉風更重旅人歎

中秋夜吟

客中感時序秋光半又越蕭條
良夜閒含情待明月凝雲亘
長天蝦蟆不能斲窅然澄輝閱萬物
如在窟往昔水晶

中玲瓏爲毛髮翹首清虛府洞見廣寒闕霓裳素女歌桂
樹仙人伐幾欲乘風去羽翰塊奮發留滯仍此都况乃逢
秋暘嚮晦畏聞蚊當窗喜見蜩屈指金波濯庶亦清肌骨
奈何風景殊樂事全銷歇豈爲旅人羞故向遙空汲繩梯
輪前箸翦紙無靈廟夜闌獨秉燭東方暎忽忽

綰橋偶得紅梅一盆索賦同用東坡松風亭詩韻

武陵溪上梅花村南枝北枝繁吟魂荒山空感羅浮夢翠
羽不破愁雲昏吾家元龍耽花事方瓷古幹來名園杈枒
鐵石含斌媚藹然庭戶交春溫是時海日爛初景晴霞微
捲東風瞰冰姿久未回青眼火齊乍喜烘朱門紙閣疏簾
白晝寂靜抱孤芳如欲言他鄉共有江南思相對時復傾

金樽

同家緱橋張秋涪次廬陵對雪憶梅花詩韻

我有草堂水雲間古梅疏植苔蘚斑十月半已多蓓蕾冒
雪更覺毵毵然有時朝暾鳴翠羽無異豔冶聽綿蠻村南
村北亦多此意所欲至花輒繁去年開時來獻賦蹙蹙破
帽留燕山津門兩度逢春雪思折一枝無由攀東閣裁詩
動吟興孤城貰酒增朝寒忽從盆盎得嘉植恍如姑射來
真仙七十二沾回春色析木精氣融百川况乃正月見三
白其占辭云大有年賞花對雪兩娥媚幽蘭新句敲珠玕
此時仙源千萬樹水邊籬落紫寒煙猶憶清香和雪嚼沁
人心脾醒醉眠

題黃孝子冊

鳥嘯積雪愁雲凍鵝鴉滿眼化鸞鳳入桂之野松楸林長
風謖謖驚哀音吁嗟至孝通精誠水行不見蛟龍山行不
見虎豹從容捧父出干戈人稱其勇賊稱孝湛湛湘水歌
有嶺蕨根數寸金同拔夕陽延首蒼梧深山鬼竊窺爲司
閼家風江夏昔無雙石樓又見標南邦白華朱萼被五嶺
鵲飛識否蘇耽影

新野朝發

宵漏五更殘征夫啟戶看幾家春睡穩一騎曉風寒戴月
勞新試梯雲路故離林花開靜裏遮莫爲停驂

七月十四夜對月

又見新秋月清光。此夕圓。美人隔千里。悵望空長天。羅袂自知薄。桂花誰與妍。關山多少憾。休向笛中傳。

接遲兒家書回示

離家新獻歲。得汝數行書。結字粗能密。言情已善疏。早春花發後。遲日雁歸初。多少羈愁思。相看一起予。

出津門口占

萍遊無定在。驅馬出津門。春日騰天白。浮雲近海昏。燕鶯空作意。桃李竟何言。浩浩滄瀛道。麻姑酒一樽。

得鷺緹侍中翰索賦

時在雨亭觀察署

朱鷺曾聞樂府名。飄來屬玉獨關情。滄江何事爲人得。官閣今看逐鶴行。光照曉離同綺戶。舞隨縣鼓自輕盈。柏臺

信有風霜氣相對高秋白日晶

雞鶩無情憎共啄鴛鴦有伴合相憐頸延粉壁栖清影夢
遠秋江點碧煙不忘葦葭同逆旅暫畱冰雪此周旋幾時
飛向青冥去翮羽遙依太液蓮

渡河秋望

秋河勢與地天通一葉扁舟四眺中沙岸轟雷喧白日濁
泥捲浪立西風鐵牛只鎖新乘障玉馬曾刑舊築宮今古
橫流成底事虛瞻兩戒定高空

九河上下歲工新帶渚猶多昏墊民賸有蝸廬連蜃市不
須魚服已蛟人衡錢日稱宣防急賈策誰當汎濫陳水學
由來無底在獨懷飢溺仰堯仁

登蕪湖市塔

虛窗八面俯襄垣今古憑欄極目存
白紵風流傳樂府青
山煙靄護吟魂江波一綫龍蟠
估舶千檣蜃市繁東望
滄溟寒月上看余鼓棹下天門

天門用明杜君浩石壁韻

地險天關森氣象水煙石霧鬱崔嵬
蓮花對壁雙根合眉
黛平分一鏡開江東層巖流竹箭
潮衝深戶起風雷何須
啟閉煩門尹擊汰從歌利涉來

七夕

望望瑤臺作合難星期迢遞又長安
鵲橋浹歲還雙渡燕
市頻年祗獨看月隱一鈎瓜果暗河明
九曲水雲寒七襄

莫恨須臾別尙有深閨空倚闌

秋日哭王氏姊

望望柔桑一帶微絳河青鳥不會飛已無骨肉申予置空
有村墟號姊歸地下二親知再聚泉中一老得長依斧堂
猶自虛三尺延首秋雲淚暗揮

微身一決等鴻毛求食終須念莫敖但使蘋繁聊有託重
爲蝶羸不辭勞芳蘭入砌芽初出翠竹當庭節轉高最是
冰池寒月皎並流清影照園桃

破巢誰復惜芳林鬻子恩情豈易任獨向鴟鴞爭牖戶誰
於風雨問嗟音期年勉駐將離魄一病難回久墜心魂夢
忽來相對訴似聞聲涕尙泔泔

燕子磯漫興

王謝烏衣去已遙
舊家門巷總魂銷
惟餘故壘荒江上
送盡顏波弔六朝

羅解元澤坤 十三首

澤坤字厚載桃源人舉乾隆乙酉鄉試第一福建
漳浦縣知縣有集

柳屏

子厚號其州通明傳其宅一樹對書堂
鎮日送晴碧既無車馬喧
頗饒雲鳥跡作屏如結鄰
屏風當几席坐嘯古桮旁
涼風灑四壁

山中春興

山色自古今流雲滿幽壑天氣春復佳閒情眇何託黯黯
嶧陽桐五嶽鴻濛鑿彈向水雲邊天風吹寥濶

琴音一何澹琴心一何遠花落鳥聲遲坐看浮雲卷野水
漱春臯晴莎被長坂獨對暮煙深長歌懷楚畹

空谷有幽蘭聞香不可見願言擷其芳春雲羃晴甸幾日
溪水生復此鳥聲變日暮澹忘歸予懷託葱蒨

淮南招隱士叢桂賦深幽大山復小山團團春與秋我愛
山中雲出岫如水流畏佳見林樾還作十洲遊

夢清江師

自注時督
漕江淮

九載違前席江離別憾長昨宵見顏色入夢感徬徨憂國
心尤苦憐才意不忘無由假羽翼淮楚鎖相望

寄外舅

白芷香生暮蒲菰綠正肥春隨風雨到雲帶雁鴻歸楚國
垂文獻天涯託軫徽屨陵今夜夢應得近清暉

對山堂玩月同蕭泗水

洗淨冰輪倒玉柯對山堂頂接星河清光一掬平如掌積
水空庭影欲波嵐翠撲衣春乍冷晴雲飛露夜偏多閒人
兩箇承天寺取比今宵復若何

卽景

春煙泯泯長蒲菰乳燕鵲雨後湖粉本何年遺五代箇
香花下睡鵝圖

春日過牌樓書舍

縱塗橫軌整還斜取次春雲一逕賒欲識賣錫天氣好野
田處處水紅花

斗室欹窗砌典墳髭鬚幾輩足書裙分香白髮傳真諦一

卷雷遊憶妙文

自注闕弱公有雷遊草

爛漫春風暖齒還晚煙回首米家山夜來夢到雲深處綠

影紅香月一彎

定子詩

自注韋穀才調集編杜牧茗溪叢話屬義山鶴齡則主杜而以牛僧孺書記實之然玉溪

集復有定定詩戲次其韻

描來睡臉筆生春李杜難分綺思新欲向廣陵呼定子紅

霞到底屬何人

劉解元工詞

一首

王詢字書堂長沙人乾隆戊子舉鄉試第一郴州學正

赴郴州

曠恩南選及楚末定前緣風月書堂在

自注余家書堂山

文章嶺海傳官卑道則一地僻教爲先漫比隨陽雁素心殊不然

按湖南北教職合選後始改南北分選故首句云云

劉貴定繩爵二首

繩爵字孟修益陽人乾隆戊子舉人歷官東安訓導貴定知縣孟修性廉靜有治才其由訓導截取揀發貴州知縣在嘉慶初元適黔楚用兵檄管興

義縣亦資孔驪糧務孟修出納惟謹及歲事他處
多以侵漁敗亦資孔獨無事歷署長寨定番廣順
各府州事皆辦以老病卒於官詩僅見二首

過蕪湖閱太平府志於教諭王學博署得悉先祖忠
節公作令遺事

二百餘年卓魯聲還看志傳記平生泣民正大方能斷
名宦傳稱先公光明正大清報國孤危不易貞是處旌坊
行里閉到今郵馬駐江城偶緣謁選飛帆度縣譜應惟此
地明
原注傳載公於街道里巷有關忠孝義烈者皆建坊表異之又遷潛港驛於縣治今仍之
按忠節公名憲以忤逆瑾下獄死瑾誅始昭雪予諡忠節詩見本集十二卷此詩所云報國孤危不易貞蓋
紀實也

望修山

長空卓筆自嵯峨萬古江干鎖碧波脫盡塵氛緣獨立秋
雲數片轉疑多

蕭舉人夔龍

三首

夔龍字載熙號亮齋祁陽人乾隆戊子舉人

磨厓

斯人堪不朽涪石亦流芳絕壁煙霞老高文日月光精誠
餘翰墨剝蝕任風霜讀罷穹碑下能無懷古傷

漫郎宅賴

不見元公宅徒聞衆賴賒蕭蕭驚落木切切亂嘯鴉韶灘
何妨碎聲牙未足誇幾回尋故址指點問漁家

笑峴亭

陵谷誠憂變甯資片碣功登亭時一笑望古意何窮落木
蒼涼裏浮嵐掩靄中升沈多少事閒話任山翁

沅湘耆舊集卷第一百八

新化鄧顯鶴湘臯編輯

長沙毛國翰青垣校訂

唐舉人昭淳十三首

昭淳字梅冶湘潭人乾隆庚寅舉人年二十一卒
有怪莽詩存梅冶爲魏子五世孫負才早卒近其
族子祖价搜其遺稿鐫木中有鑿石浦弔杜三章
亦見朱怡典荔堂學詩錄與此小異

雜詩

昨日衣羅衣今日衣狐白秋陽九月天同雲雪盈尺人事
竟何常天心不可測有客倚高樓促節弄瑤瑟空寒苦調

微四野悲風栗

翔陽翳扶桑東隅窈無極神明燭萬里至近不可格八埏
有窮陰不掩青陽德所苦無燭龍天門輝夜色况乃元雲
馳慘澹關山黑

詩書信有神身世良不易文人弄柔翰圖書肆孤誼惜哉
聖賢心徒供青紫計錦衣驕妻妾膏粱飽奴隸志趣已如
此安問天下事

客從京華來慙勤問風俗云多滌面膏頰水顏如玉朝士
美丰儀藉之策高足觀風卜一言此言何可讀

之子在空谷被服素羅衣幽居二十載未解畫修眉漆室
倚柱嘯監門中夜悲所思隔雲泥有懷莫致之莫言顏色

改但患素心移清歌待明月皓首以爲期

願爲

願爲山下茅不作瓊花樹瓊花媚貴人茅簷覆黎庶
願爲涓涓露點活夏枯草露下已無多炎風不相保
願爲團扇花西風吹不絕歡便棄深秋芳心不磨滅
願爲碧藕蓮待郎瀟湘浦郎食蓮子甜應識蓮心苦

常州刺史吟

常州刺史五花驄十載靈和柳殿風詩人老去耽歌舞便
殺花裏活泰宮花裏偷結桃花子玉夜軟風吹露水野鳥
枝頭護寄生寄生濃翠親枝菱州樹千頭舊木奴一頭不
與親公子燕子樓開三十春常州朽骨久成塵五陵衣馬

鳴珂子道傍長笑春申君君不見秦華插天海無底吹山
何處南風起奇貨千秋擅祖龍不平世事已如此花霧空
濛撲酒尊秦宮客騎如雲屯門前乞食陳欲死乃是常州
刺史孫

花飛三首

天台春盡悵華年多負流光山檻邊仙夢纏絲曾幾日彩
雲搖蕨竟何天杜蘭帶露飄殘月萼綠從風散晚煙往事
千金難一刻傷心劉阮憶前緣
怕迷迷根別院颺梅來歌板醉霓裳引他香夢無停駐欲
問花神已渺茫應信一枝全未折無端三徑總成荒如卿
生小瓊瑤種碧海蓬山春正長

懷孫敬亭

百年霜鬢嗟遊子萬里妻孥獨病身
今夜西風何處宿故人天際爲傷神

周教諭大澍

五首

大澍字雨林長沙人乾隆庚寅舉人歷官武陵教諭甘肅知縣改新化教諭有雨林文鈔先生改官新化時年已篤老獨喜同余兄弟談文嘗爲余題蓬萊閣觀海古體詩博雅可謂後國燬於火此詩遂無副本先生善古文曾見其所爲家傳紀國變時事甚悉今訪其家已不可得詩稿更無從蹤跡矣

弔朗州古烈女卽次其韻

風鬟淚雨暗傷春愁絕蒼梧遠隔身何處空江無杜宇不堪斷竹有伶倫弄珠雲夢龍宮女澡雪湘魂屢市人一片洞庭波下上湖心山髻與波親

按烈女詩見是集
四十四卷女士

題大庾楊鈍夫離騷影傳奇

絕代風流湯玉茗天然標格薜蘿生而今翻出離騷影宗派西江字字清

狀元才子古猶惜香草美人今尙存並與琵琶作雙絕千秋大義此中論

巴渝解勸使君歌小拍紅牙喚奈何纖盡綺言還度曲幸

官身與說維摩

盤頭關下桃花水踏遍花猫唱竹枝無限湘靈怨湘瑟峯
青江上月明時

孫洪洞潰二首

潰字翊天新化人乾隆庚寅舉人官貴州龍泉縣
山西洪洞縣知縣以事謫戍軍台著有前後穹廬
詩集

新化北郭故有浮圖後圯於水邑中父老思協力募
復詩以堅之

城闔迤北亂峯坳一塔曾陪縣閣高山勢四圍原娥媚浮
圖七級更周遭空聞石磴捫星斗幾見桑田付海濤陵谷

變遷殊靡定愁聽漁唱度空濠

楚鬼還聞越亦機刮毛龜背盡山谿鋤經士半歌商頌犁
雨人多病夏畦且就盤飧從儉減便同畚鍤赴工齊落成
不朽輸君輩肉緩筋驚我愧嵇

王教諭渠一首

渠字絜齋寧鄉人乾隆庚寅舉人祁陽教諭絜齋
爲九溪先生之子九溪諸子皆有文學絜齋詩筆
尤老惜不多見

浯溪磨厓碑

浯溪磨厓豐碑天下奇昔侍先徵君時曾見之奔馳南北
廿載卻復至笑攜青氍舊物先後期十有八年株守此溪

側數千百過摩挲元公辭有唐文運起衰自公始滌除八
代綺靡昌黎隨每怪平淮西碑遽顛仆至今中興頌石無
人摧文章歷劫斬斬辨忠慝立三不朽始足銘鼎彝退之
佛骨一表棄嶺外次山經略以後誰窮追此昔人臣遇有
辜不幸豈足軒輊臣節相參差公道昭彰日在人耳目山
鬼亦畏風雨常護持我攜季子日拜此碑下令揭萬本本
木題吾詩使知域有一德記古訓安在老於文學誇一時
不然但議肅宗有慚德此碑此厓久已沈江湄

梁縣令永洪一首

永洪會同人乾隆庚寅舉人官廣東知縣有集未

見

登金龍山

遊山不厭高將以窮清曠登躋無定蹤紆迴隨所向絕頂
逶迤攀豁然舒四望雲背出諸峯山腳攢千嶂九嶷遠若
浮五溪杳難量身當白日閒坐愜青雲上始知天宇寬淩
虛騁豪蕩於此欲淹留夕陽催晚唱

毛教諭琇

八首

琇字華谷長沙人乾隆辛卯舉人歷官平江新化
教諭先生爲先叔父鄉舉同年嘗叔事外大父毛
松隣府君於余兄弟爲舅氏行官吾邑時余方隸
弟子籍左右惟謹一日爲余朗誦遊雙清亭詩愛
而識之蓋數十年不忘也竊意先生他詩必佳近

與其家青垣秀才國翰交出示一冊則其族子某
所手錄者雙清詩在焉蓋亦無有能踰美是作者
故所打止此

少日

少日恣遠遊策馬走大荒草木潰亂處其中有虎鄉負嵎
誰敢攫雄踞大石崗一吼山谷裂一嘯天風狂雄者旣暴
戾雌者亦跳梁魑魅相擁護佞鬼爲前行無辜鹿與豕血
肉何狼當狡黠升木綠聞風亦遁藏綏綏老雄狐椎魯類
慈良朝夕順虎意左右巧趨踰虎悅狐媚已狐心實匪臧
伺虎出山時狐擅作妖祥狡兔連成羣雞犬不安康半夜
闐號叫弱肉充飢腸見此三歎息踟躕立道傍回馬望郊

原羣虎各分疆一虎挾一狐狐虎遍四方山澤罄搜括搏噬方未央民物日凋耗墳首悲牂羊麒麟在東國至仁真聖王我欲往訴之綿綿道阻長

古意送梁大尹

盜泉堪止渴惡木豈無陰嗟彼清修士獨懷危苦心義明節以立利枉害斯尋蹈道爲君子何曾有古今

見新月有感

老樹挂新月誰彎射虜弓祇今傳宛洛無日不兵戎梗化苗猶在征南道未通滿懷憂國慮搔首望蒼穹

舟次臨湘

連日阻風濤江干悵寂寥維舟步井里問俗盡漁樵縣治

荒無事村民樸自饒桃源何處是此地若爲招

懷安左衛驛

皇輿古漢郡左衛舊邊疆沿革由前代遷移近夫荒牆深
春草綠沙擁暮雲黃一夕溫泉水方知惠澤長

秋園

薄暮秋園裏蒼蒼野色昏瓜棚螢火出花砌草蟲喧將墜
葉留樹不飛雲近軒泉聲來石澗汨汨醒心魂

天涯

天涯飄泊欲何爲浪跡萍蹤任所之遠志出山名小草荒
榛當路翳靈芝自憐去國同王粲誰復逢人說項斯料得
升沈分已定倦飛越鳥憶南枝

遊雙清亭

此地雙清古有名到來心跡亦雙清前人遺墨豐碑斷我輩餘閒望眼明
歷落亭臺隨地勢潏澗洲渚自天成野遊風月誰爲主歸聽濂溪琴數聲
自注時羅湘舟太史主講濂溪歸途順訪之
胡羅源啟文 九首

啟文字樸園永綬廳人乾隆辛卯舉人官羅源知縣有集未見樸園先生爲先叔父鉅野君同年余初不知也嘗於蘭柴石溪二老及湘陰二周集中見其姓字稍知爲三廳人亦不知其名啟文也校通志三廳人物傳無有及闕選舉表見啟文名籍永綬與樸字義合妄意卽其人徧訊之同人無有

知者吾友善化湯彝幼尊語余曰吾兄質吾往居
五簞久嘗畱心文獻盍往問之時質吾在桃源書
去而質吾以啟文詩來則真樸園也爲之喜躍感
喟不已竊歎樸園在當日有盛名與吾縣孫石溪
吳蘭柴諸老交叉同石翁及湘陰周氏兄弟客湖
北學使洪素人許素人固名宿當盛推之卽麓樵
集中所稱七子之一也今去世未久而方志不爲
立傳里社不知其名以余之好事又託在年家子
老知耗及始展轉意度幸而得之其他之湮沒不
傳者可勝道哉

至嶽麓懷雪幃

扁舟遙泊大江隈此是孤遊第幾回絕巘石多三古字寒
煙松有六朝栽山川滿目人何去樓閣當空雁獨來黃菊
紫萸誰共把含情一過道鄉臺

與孫生

溪州遠上碧雲端負險當年此彈丸故壘荒涼銅柱在霸
圖消歇土居安原注苗疆民曰土居故有土目土舍之號蕭蕭往事如黃葉
娟秋風汎紫蘭空谷有人今是玉莫言僻陋少殊觀

將就試長沙寄潘竹野表叔

垂柳鬱鬱小住廬三年人讀數行書熙時自恥長貧賤則
古甯知眾毀譽東郭如雲收穰稬西風昨夜過篠簕劉琨
終爲雞聲惡眼臨流光去不徐

西上巉巖嶺路艱念君爲客幾時還秋生落葉寒塘外人

在浮雲古戍閒別院風清朝磬發

原注永綬產磬石

孤城月上暮

潮還

原注潮水溪在小西門外

尺書寄我知何處帆轉鴻飛六六灣

安州寄懷柴司馬

雨過涼生脫葉飛馬前秋色上征衣百年歲月如流水萬
里關河有落暉西穴雲深蟲篆蝕洞庭波渺雁聲微鄉心
已共秋懷切况望龍門有德輝

都下寄楊齋司訓城步

故國耆英繼夢思又聞君到粵西垂黔山暮雨都梁縣巫
水秋風壯繆祠吾道可傳隨處足一官爲養莫言卑南看
萬里空雲白獨媿毛生捧檄遲

水南

碧水蒼蒼護綠疇，
荔支陰外有高樓。
雲霞鬱鬱凝佳氣，
村曲人人識故侯。
客久蠻情徵瑣屑，
年豐旅食待綢繆。
海天細雨黃昏近，
松桂蕭蕭滿院秋。

秋日懷舊居寄白溪周二信

漂零世業逐風沙，
紅蓼園中血淚花。
茅屋昔聞歸別主，
芳

隣今見住誰家。
雲橫斷嶺人千里，
草掩孤墳天一涯。

自注
先慈

墓在我憶梅林騎竹馬，
堪回首對霜葩。

道中聞澗水聲寄惕齋

一爲遠客海天漫，
流水心期君舊看。
若與課晴茅屋下，
溪

聲還聽枳花灘。

鄧鉅野長信 十首

先叔父字玉符號璧園乾隆辛卯舉人官山東鉅
野縣知縣以事謫戍伊犁嘉慶二年釋歸歸後閱
二十年卒於家叔父居官多善政以耿介獲重譴
聞者冤之詳顯鶴所作墓誌幼穎敏強記七歲能
文十二歲以默寫十三經受知學使者附縣學籍
詩不多作有出關入關小草俱佚今止存數首附錄
顯鶴撰墓志云鄧氏於新化不顯明季始居下渡
村之梓木衝自始遷祖至贈文林郎嚴隱府君
凡五世單丁不振贈君之子文學府君始以其學
授徒資龍開有名於時二子能世其業其一舉於
鄉官縣令是爲鉅野府君以忤上官獲罪仕復不
顯府君幼慧七歲能文隨父學君館益陽益陽人
赫然稱之十二歲歸應童子試郡守覺羅德興額
公說爲神童言之學使者面試十三經皆背誦通

竟大憲詩又奇肆操筆立就大驚訝補博士弟子
員年三十始中式乾隆三十六年湖南鄉試舉人
又十年以大挑官山東知縣初試高唐州補曹州
府鉅野縣縣多盜而好訟繁劇難治府君至懲積
例央滯獄鋤奸擊暴縣大治府君剛果任氣外嚴
內明人不敢干以私大府亦憚其方直耿介而銜
之者眾矣姚大者縣細民也以事繫縣尙質歷城
承楊甲奉檄緝盜至縣欲文致其罪以爲已功府
君訊無左證釋之楊怏怏去後姚以江南句容縣
劫庫案鞏連舉發大府以縱盜罪府君楊從與之
因以洩前忿府君曰他邑盜吾邑民罪不相蒙殺
人以媚人吾不爲也遂落職先是山東大畿畿河
盈道府君設法振濟不遺餘力鉅野歲例濬河
八十里重臣往來相視皆駐縣境民開差累不堪
其擾府君一切蠲罷出私錢顧夫役坐是大困又
前令積薪攤款至三萬有奇之多大府責令償補
將中以危法府君則陰籍出入數爲二冊將上之
計無如何則授意代者毛索細故久乃撫拾姚氏
官錢坐以賊姚氏官錢者姚丙兄弟以爭產訟府
君案之謾五十緡充官濬河而主吏漏報竟以是
坐迨成伊律居伊犁八年始釋歸歸後益出之至
無以爲生課徒自給又二十年以嘉慶二十有一

年十一月日卒於家春秋七十有六其年某月日
葬於太平原祖塋之麓曾祖諱林材祖諱元臣父
諱勝達祖及父皆贈如府君官祖妣李氏妣劉氏
皆贈孺人配彭孺人後府君四年卒子二人鴻國
子監生鶴孫五人琦郡庠生益府君歸自伊卒後
日夕守課望其成立者也女一人適國子監生唐
世偶嘉慶癸酉拔貢生試廣東豐順知縣唐琳其
外孫也府君諱長信字玉符一字璧園博聞強記
令鉅野時充乾隆癸卯山東鄉試同考試官得闕
學淳等九人多名宿致過顯居伊埠無書可讀日
背誦幼時所讀經典無遺悞居官精敏明幹所至
有聲初試高唐時巡撫國泰貪暴凌其屬不敢加
無禮於府君阿桂文成公以視河工過鉅野亟稱
府君才可任卒獲重譴不竟其用不顯於時嗚呼
府君於顯鶴叔父也銘其叔父所能言者止此可
痛也夫可痛也夫銘曰學足以用世而不庇其身
政足以易俗而不諒於人其罷而譴也既無以理
其枉其窮老而死也復無以抹其貧豈賦命之果
厄胡所遇之皆屯嗚呼吏
而可爲也吾以待其子孫

出關

慘澹秦時月
峩漢代關
幾人歌出塞
終古祝生還
黯黯邊樓色
蕭蕭壯士顏
中原何處是
回首淚潛潛

戈壁疑無地
穹廬別有天
沙兼蒲海闊
星擁雪山連
久鑿張騫空
新屯充國田
早知編戍籍
努力及丁年

莽莽風雲氣
勞勞孤孽心
敢嗟臣命薄
還載聖恩深
一統無中外
重門自古今
人生感意氣
羌笛有同音

出塞重回首
天涯淚欲揮
浮雲屯大漠
落日黯邊旗
末路功名賤
浮生心事遲
刀環終有約
何日寄當歸

遠疆

自歎平生讀
父書絲毫無
補但愁余千
磨百折塵寰
裏九死一生
世網餘民社
徒膺空復爾
君親其負竟
何如遠疆

尚欲涓埃報慚愧蕭蕭兩鬢疏

喜方濱州融踵至成所

去秋餞我出東猶今歲逢君氣尚豪天外故人欣聚首邊
陲幕府又同曹原注同派引易當差穹廬地迴邊船急都護城荒夜
月高各勉桑榆收末路荷戈朝夕莫言勞

哭方濱州卽送其隨歸巴陵

行行策蹇出東猶意氣何如解佩刀我已謫居經險遠何
期君復涉風濤原注余蒙難後賴刺史力周旋居多已酉秋遭戍伊年而君踵至豈非緣耶公車初下我懸車將伯誰呼可助余風雨漫天傷往事中

原回首共歎歎

榆關風雪太恩恩

原注君以辛亥除日抵戍沙漠無端陷此公死別生

離原不免那堪絕塞叫孤鴻

玉塞春風鴻信宿君山夜月鶴歸來可憐一片黃沙地尙
有人聽畫角哀

李學正會甲 三首

會甲武岡人乾隆辛卯舉人官靖州學正

昨日

昨日尊經閣但見白玉環朝來乾雀喧稍見青琅玕曉日
鵲矇跨海出亂雲奔脫只留斑老鴉披頭青靛界空中恍
惚露屏顏風和土酥行人出便擬一散腰腳頑清景娛人
旦夕異疏狂如我緣非慳請君試問南天雁幾時帶將春
色還

愁霖行

孟春之月草始芽繞郭煙嵐護晴沙城南溪水似若耶中
流快聽回帆過豈謂陽烏匿赤華江屋搖動吁可嗟沈沈
江樓隱暮箔惟看白竹千山遮頽垣剝落溼黏蝸老柏偃
蹇風翻鴉牀牀避漏野人家我亦几榻支橫斜牽蘿補屋
謝雨了漏天須補煩靈媧安得壯士挽日車扶桑妍暝薄
窗紗綠楊晚地垂髮髮雙柑斗酒水一涯何時眼前笑兀
堆綺霞殿中閑卻白鼻騮

艮山寺偶感

官舍逢春只臥遊那知人世有丹丘故山久已荒三徑海
外空傳更九州舊迹偶畱鴻爪印此生未作坳堂舟松風

滿谷聞無盡徑欲常來枕石頭

黎餘慶大柄一首

大柄號謙庵寧鄉人乾隆辛卯舉人官餘慶知縣
初赴綏寧學任

家居亦慣坐寒氊此去輕裝更可憐敬戒怡同初嫁女清
冷猶是在山泉飛騰敢望遷楊震落拓無妨老鄭虔莫謂
崇寧偏僻地 聖朝文教待傳宣

張待詔廷祿六首

廷祿字待詔號雪川湘陰人乾隆辛卯副榜貢生
著有樵古堂詩集雪川少有才名以大興籍舉順
天鄉試蔡其山相國嘗序其詩集歸後關桂樵園

以終存詩不多饒有古意

登泰山

攬轡齊魯道憑軾緬山川欲觀滄海日遂躋岱峯巔舉手
捫天闕在目忽已懸萬里渾無端九州辨微煙霸圖盡銷
歇丘塚何連綿想像躡崑崙凌風攜飛仙至道謂可覺元
氣相與旋

雍丘

周室綱不振殉葬自我鄙賢哉悔過詞豈不顧孫子人心
愴國良天道惡滅紀灑淚望雍丘鬱鬱何相似楚人發秦
穴誰云獨遺此寶物不可埋三良骨何委至今枳棘閒黃
鳥哀未已

金雀臺懷古

登高望四塞雲驅萬里開朝擁車騎去暮逐旌旗來不見
燕山桂猶聞金雀臺蜚聲徹天漢意氣何壯哉北上琉璃
橋落日照河隈爲問古行迹東流不復迴

太行山

憑軾孟門東遙望太行山蜿蜒數千里上亘九霄寒重巒
台杳何盤盤丹梯萬丈窮追攀我欲陟頂捫天關舉頭見
日海飛瀾坐無赤羽空長歎崑崙冰桃不可得黃河東去
白雲閒下山何易上山難驅馬迴九折歧路苦多般左脩
虹蜺飲巨澗右躡猛虎窺孤鷲自古跬步慎失足一朝不
顧虞摧殘茫茫六合固其端姦雄至此猶灰顏安得帝命

移山去平原萬里馳車還勸君緩步且加餐上山不易下山難

洋沙湖

孤繚隱隱翠如環撥棹雲煙杳靄閒百尺浮圖爭對出推蓬先看女洲山

湘城柳

湧金門外柳垂金三日不來成綠陰折取一枝進城去教人知道已春深

孫隆平先振

四首

先振字岳庭善化人乾隆甲午舉人官直隸望都
武清撫寧隆平知縣隆平居官廉慎所治縣當南

北之衝乾隆中兩金川用兵徵發絡繹隆平民不知有差累也近體詩雅近七子饒有風格

古意

泠泠松下風落落澗底石美人抱綠綺端晏坐瑤席幽懷發新詠餘響多清激山中有奇草歲晚不可食采之欲遺君卻立長太息

清風峽

一磴盤旋入翠微晚來煙靄合雰霏四山風雨龍初出百尺松杉鶴獨飛幽谷稍聞樵唱發中峰時見寺僧歸藥苗新長黃精盛擬辦長纚與短衣

岳麓寺

碧鮮蒼苔路幾重。禪關終日白雲封。定中老衲須眉古。春盡深山草木濃。百丈寒流朝洗鉢。數聲空翠晚鳴鐘。六朝風景虛岑寂。賸有巖前一樹松。

抱黃洞

幾度雲峯策杖過。傳聞遺蛻此山阿。虛壇畫靜鳴樅檜。古洞春深長薜蘿。千歲綏綏緣樹上。一羣麕鹿出山多。丹池藥鼎今陳迹。笙鶴飄飄竟若何。

謝猗氏振宇一首

振宇字元亭。湘鄉人。乾隆甲午舉人。官猗氏知縣。
飛來石

何年石飛來。厝此嶽峯頂。斑駁古苔封。孤亭上森挺。秋澄

天地空日落江湖迴中有飛來人憑虛目一醒

阮教諭大綬 三首

大綬字進賢號雲階益陽人乾隆甲午舉人官安
仁訓導麻陽教諭以學行稱有集先生爲乾隆丁
卯舉人清之子國初詩人應名之孫子芝與余鄉
試同年亦有詩集

書沅江曹烈婦畢命事 并序

烈婦吳啟秘之女適曹家政二十八夫故遺二子方襁
褓舅姑皆歿惟繼祖姑在事之盡孝會歲歉乏食夫之
黨迫令招夫撫子吳不從號泣赴水死

妾本儒家女幼嫁里中兒願同比翼鳥願作連理枝十年

傾所天涕泣誓相隨婆娑兩兒女幼小憐嬌癡堂前無伯
仲室中無儲資偷生固背義判死亦不辭勉強事提攜辛
苦力操持兒女漸漸長貧賤甘如飴胡遭不造撒我藩籬
乃納狂且罔念四維嗚呼噫嘻東日不西出南山不北移
節義不可虧鬼神不可欺狂且在室意欲何爲履我東房
闔拂我東房帷忽然整衣履忽然理容姿顛倒日欲夕款
款前致詞嗚呼噫嘻妾頭可斷妾肝可披妾膚可裂妾體
可糜妾心堅白不磷不淄狂且狂且胡不知嗚呼噫嘻妾
心悲撇兒女兮泣涕漣而雄狐綏綏兮誰實使之畢命盡
志兮數固奇前山曲兮水滿池妾死此兮夫復何疑夜悄
悄兮毋遲遲九泉之人兮俟妾多時

秋日同黃醬川李西銘遊天元山疊韻

蜿蜒頓疊勢排東成嶺成峯各不同
澗水飛流寒齒石秋
山骨立瘦梳風徑幽深但草環紫寺曠閒
惟鐙點紅卻笑
禪心關不住一聲清磬出雲中

逾午盤桓路轉東茲遊奇絕許誰同
重來應話三生石歸
去頻攜兩袖風好境空過如曳白
凡塵隔斷只飛紅寒蟬
衰柳商飈急都在蒼茫暝色中

鄒訓貢嶧桐

八首

嶧桐字梧岡湘鄉人乾隆甲午副榜貢生選永明
教諭不就性好遊覽老攜一子客粵西染瘴疾父
子俱卒有絕筆詩三十首余未見其詩亦不知其

人也一夕夢一虬髯人擔簦來謁狀甚憔悴似云
將從余兄雲渠先生授經或云此鄒二也手一軸
伏地作頂禮狀覺而怪之異日於叢書殘帙中得
嶧桐名姓詩詞拜其仕履梗概覺與夢中情事合
遂補錄是卷之末其詩之工拙且勿計也

絕筆詩

有引

憂驚哀慘內傷於心瘴癘炎蒸外傷於氣脉微病重有
死無生老夫急不擇音諸公憐而賜和

平生南北與西東一葦浮沈苦海中且就慈航登彼岸回
頭萬念已成空

塵寰半百歷艱虞不是癡狂卽是愚落手工夫今始得非

仙非佛復非儒

尺書催促召修文已分驂鸞赴白雲儻有丹豪書紫府更無墨瀋落塵氛

不生不滅自還元無去無來道義門蟲臂鼠肝隨變化魂仙魄聖又誰論

傳贊碑銘一筆刪不留笑柄到人閒半生事業忙如許萬古泉臺好是閑

酒血揮豪一再歌死生勘破更如何西方淨土非吾樂直欲乘風上大羅

詩才曾未夢長庚書劍飄零過此生寄語諸公休作誅原無一技可成名

不將哀怨學彭咸
忙寫遺詩代別函
遍寄鄉關好親友
數行血淚溼青衫

沅湘耆舊集卷第一百八終

七

沅湘耆舊集卷第一百八終